

欽定大清會典事例

欽定大清會典事例卷五百十八

禮部

燕禮

臨雍延燕  
神牌延燕  
修書延燕  
會試

出場延燕  
藩來朝延燕  
王府延燕  
恩榮延燕  
凱旋延燕  
外

來京婚娶延燕

臨雍延燕。凡恭遇

臨雍延燕之禮。是日於露臺上望

闕設香案。布席於堂。精膳司官。朝服視設。衍聖公。

大學士。內閣學士。翰林院。詹事府。禮部。都察院。

國子監。光祿寺。鴻臚寺。暨執事各官。十三氏子。

孫咸與燕。三品以上專席。四品以下共席。均按品為序。至時。各官朝服畢會。鴻臚寺序班引各官詣香案前聽贊。行三跪九叩禮畢。就席坐。茶至一叩。酒至一叩。飲畢一叩。茶一行。酒三行。興序班引詣香案謝。

恩。行一跪三叩禮。各退。○順治九年。

世祖章皇帝視學禮成。王貝勒貝子公等。內院禮部堂官。衍聖公。四氏子孫。在部筵燕一次。○康熙八年。

聖祖仁皇帝視學禮成。筵燕與順治九年同。○雍正二

年。

世宗憲皇帝視學禮成。正值齋期。於齋戒完日。在部  
賜燕。設上席三十。中席二十。下席三十。自行聖公以下。  
執事各官及五氏子孫咸與。○乾隆三年。

高宗純皇帝視學禮成。次日在部

賜燕。照雍正二年例。備席外。增中席五十。下席一百有  
六。執事官五經博士五氏子孫咸與。○五十年。  
辟雍殿告成。

高宗純皇帝臨雍講學禮成。在部

賜燕。照例備席八十外。增備下席五十有一。○嘉慶三

年。

仁宗睿皇帝臨雍講學。禮成。越三日。在部設燕。與雍正二年同。○道光三年。

宣宗成皇帝臨雍講學。禮成。在部設燕。卓張數目。與嘉慶三年同。○咸豐三年。

文宗顯皇帝臨雍講學。禮成。在部設燕。上席三十。中席三十。下席三十。茶十桶。

經筵筵燕。○順治十四年定。

經筵講畢。衆官集。

協和門。光祿寺備燕二十五席。燕畢。至。

太和門前金水橋南謝

恩行一跪三叩禮各退○康熙二十四年。

文華殿告成舉行

經筵○照順治十四年筵燕○雍正三年仲秋舉行

經筵燕

經筵講官及各官於

協和門設席二十有二羊六酒六瓶茶十桶與順

治十四年同○乾隆三年仲秋舉行

經筵○筵燕與雍正三年同嗣後皆照此例○三十九

年奏准

經筵筵燕於

文華殿東西配殿內陳設。○四十七年奉

旨。此次文華殿經筵筵燕著改為內廷辦理。謹案次年經筵

筵燕。仍由光祿寺  
備辦。現行例同。

恭繕

神牌筵燕。○順治五年奉

太祖高皇帝神牌升配

園丘。

四祖

四后恭奉

太廟後殿。所有監修繕寫官員。在部

賜燕一次。大學士。尚書。每人一席。學士。侍郎。郎中。每二人一席。員外郎。主事。每三人一席。撰文辦事中書。每四人一席。

修書筵燕。○凡修書筵燕之禮。是日設監修總裁官。主席大臣。各上席一。在部則堂官陪燕。共上席一。纂修提調。每二員。共中席一。收掌。每三員。共中席一。謄錄。繙譯各官。每四員。共中席一。均左右嚮。羣官朝服赴燕畢。謝。

恩如儀。

在館於金水橋南。在部設香案行禮。

○崇德年間。恭纂



太祖高皇帝實錄告成。由部備燕於

國史院。監修總裁纂修各官。筵燕一次。○順治九年。恭纂

太宗文皇帝實錄。開館日。監修正副總裁纂修謄錄收掌等官。於部筵燕一次。○十二年。恭纂

太祖高皇帝

太宗文皇帝聖訓。開館日。光祿寺備燕三十席。監修總裁副總裁纂修謄錄收掌等官。於部筵燕一次。以堂官陪燕。○康熙六年。恭纂

世祖章皇帝實錄。開館筵燕。與順治九年同。○十一年。

恭纂

世祖章皇帝實錄告成在部

賜燕一次。主席內大臣監修總裁副總裁每人一席。纂修官二人一席。收掌官三人一席。謄錄繙譯官四人一席。廕生監生生員共二席。禮部堂官共一席。○四十八年纂修平定朔漠方略告成筵燕一次。○雍正二年纂修

大清會典開館日筵燕一次。主席大臣一人。總裁四人。副總裁四人。禮部堂官一人。共上席十。纂修等官五十三人。共中席二十七。○七年纂修

上諭開館日在館筵燕一次。席十有三。羊三。酒一瓶。茶五桶。○十年恭纂

聖祖仁皇帝實錄告成

賜燕主席內大臣一人。監修總裁一人。總裁三人。副總裁六人。各上席一。禮部堂官共上席一。纂修官二十七人。二人共中席一。收掌官八人。三人共中席一。謄錄繙譯官一百九十二人。四人共中席一。○乾隆六年恭纂

世宗憲皇帝實錄告成

賜燕與雍正十年同。○嘉慶十二年恭纂

高宗純皇帝實錄

聖訓告成。

賜燕與乾隆六年同。○道光四年。恭纂

仁宗睿皇帝實錄告成。

賜燕與嘉慶十二年同。○咸豐六年。恭纂

宣宗成皇帝實錄告成。

賜燕與道光四年同。○同治六年。恭纂

文宗顯皇帝實錄告成。

賜燕與咸豐六年同。○光緒六年。恭纂

穆宗毅皇帝實錄告成。

賜燕。主席內大臣一人。監修總裁一人。總裁五人。副總

裁六人。各上席一。禮部堂官共上席一。提調六

人。總纂七人。總校三十四人。纂修二十六人。協

修十五人。二人共中席一。收掌二十八人。校對

一百九人。三人共中席一。繙譯八十一人。謄錄

二百三十四人。四人共中席一。謹案修書筵燕  
旨舉行。

會試出場筵燕。禮部詳貢舉門  
賜燕目內。順治四年題

准。會試王考各官入場筵燕。上席中席各給銀

花一對。下席無銀花。共結綵樓一座。綵旗六道。

主考知貢舉禮部堂官。每人上席一。二兩重銀

花一對。同考官監察御史參領禮部執事各官。每人中席一。一兩重銀花一對。膳錄彌封受卷。對讀守門巡綽供給鳴贊醫官大使署史等官。每人下席一。出場日燕同。○康熙十四年題在會試止設出場燕。其入場燕及簪花均停止。○二十一年題在會試入場出場燕簪花等項。仍照舊例行。○乾隆二年。值祈雨齋戒。會試燕停止。主考及執事各官。仍分賜銀花。謹案入場燕。嘉慶二十二年奉諭。永遠停止。

恩榮筵燕

禮節

詳貢舉門。賜燕目內。

○順治三年定。

殿試進士傳臚畢。

賜恩榮燕於禮部。

簡命內大臣一人主席。讀卷官提調官鑒儀衛堂官。每人一席。監試御史護軍參領受卷。彌封收掌。用印。巡綽填榜。供給鳴贊各官。每二人一席。護軍校三人一席。由光祿寺備辦。○康熙六十年。因祈雨齋戒。傳臚後停止。

恩榮燕。○雍正五年。

殿試傳臚後

恩榮筵燕。主席內大臣一人。讀卷官十有四人。提調官五人。鑒儀衛堂官一人。各上席一。監試官四。

人。彌封官十有二人。收掌官十人。供給官八人。填榜官十有八人。護軍參領六人。鳴贊四人。每二人上席一。進士二百二十五人。一甲三人。各中席一。其餘進士二人。共中席一。

凱旋筵燕。○凡凱旋筵燕之禮。屆日。樂部和聲署陳樂器。笳吹隊舞雜技百戲。並集祗候。光祿寺備饌。內務府張黃幕。設

皇帝御筵於

帳殿中。設入燕王公大臣席於左翼。設大將軍從征大臣將士席於右翼。皆按品為序。設卒伍席



於右翼之後屆時。

皇帝御帳殿中和韶樂作。奏隆平之章。

升座樂止。進茶。丹陛清樂作。

樂章樂辭隨時撰擬

飲畢樂止。

大將軍奉觴上

壽。丹陛清樂作。

皇帝以卮酒

親賜大將軍。大將軍跪飲。如進爵大臣儀。

命侍衛分

賜從征大臣酒。徧樂止。進饌。中和清樂作。

殿內外羣臣行酒。樂舞入。侑酒三巡。饌再舉。樂止。

尚膳徹

御筵。羣臣謝

恩行禮。丹陛大樂作。奏慶平之章。禮畢。樂止。

駕興。中和韶樂作。奏顯平之章。

皇帝還宮。樂止。各退。餘儀節與

太和殿筵燕同。經略大臣凱旋筵燕。與燕勞大將

軍同。○崇德三年定。凡

命王貝勒貝子公大臣為將軍出師。凱旋日光祿寺  
宰牲。八旗王等備茶。迎於五里外。○七年。

太宗文皇帝討平錦州松山杏山等處。外藩王貝勒貝

子額駙公台吉賀凱旋。每旗各進。

御前

中宮牲酒在。

篤恭殿設燕。王以下佐領以上朝服咸集。○順治十三年定將軍凱旋光祿寺備辦茶酒迎接。於陞見後筵燕。○又定凡兵丁曾在陣前先登效力者。均令與燕。於各該管官後序坐。○康熙元年議准大兵凱旋筵燕免卓席止宰牲。○乾隆十四年平定金川筵燕凱旋經略及出征大臣官員將士於

瀛臺備席九十。羊四十五。酒四十瓶。○又議准。嗣後凱旋筵燕。經略大將軍及凱旋大臣官員將士咸與燕。王公文武大臣陪燕。○二十五年。平定回部。筵燕凱旋將軍大臣官員及回部人等於

豐澤園。筵席牲酒數目。與十四年同。○又奏請欽點一二品漢大臣入燕。○四十一年。平定兩金川。筵燕凱旋將軍大臣官員將士於

紫光閣。筵席牲酒數目。與二十五年同。○又奉旨。大學士等至倉場侍郎俱著入燕。內閣學士不必入

燕○又在京之督撫並衍聖公及其子咸與燕○道  
光八年平定回疆凱旋

派王大臣在良鄉縣迎勞。備茶八桶。酒八瓶。應用。並  
派膳房章京二員前往。

頒賞饌筵。禮部豫繪圖式。知照工部。屆期於蘆溝橋西  
備大青幄三。矮卓九。帳房十。並光祿寺陳設茶  
酒。藍布涼棚二。抵京後。

賜燕正大光明殿。備卓五十。羊二十五。酒二十三瓶。由  
掌儀司劄行各該處豫備。朝鮮國使臣一體入

燕。

外。藩來朝廷燕。凡外藩來朝廷燕之禮。歲除日。

賜外藩蒙古燕於

保和殿前期。內務府庀饌。請

旨命進酒大臣。屆日。樂部和聲署。陳中和韶樂於

殿檐下左右。陳丹陛大樂於

中和殿北檐下左右。笳吹隊舞雜技百戲。俟於

殿外東隅。武備院張黃幕於

殿南正中。內務府管領設反坫於幕內。尊爵金卮

壺勺具。尚膳總領於

寶座前設

御筵。

殿內左右。布外藩王公暨內大臣入

殿文武大臣席。

寶座左右陞。布後扈大臣席。前左右。布前引大臣席。  
後左右。布領侍衛內大臣暨記注官席。丹陛上  
左右。布台吉侍衛席。按翼按品為序。東西嚮。北  
上。理藩院堂官席。

殿東檐下西面。帶慶隆舞大臣內務府大臣席。黃  
幕左右東西面。已刻羣臣朝服畢會。午刻

皇帝御殿行燕禮。凡就位進茶進爵行酒。樂舞八佾。  
燕畢謝。

恩諸儀節均與。

太和殿筵燕儀同上元節。

賜外藩筵燕於。

圓明園

正大光明殿。豫日。戒所司庀饌。屆日。內務府掌儀  
司率內監陳中和韶樂於。

殿下左右。陳清樂於左。陳丹陛樂於。

出入賢良門內左右。笳吹隊舞雜技百戲。俟於。



殿外東西隅武備院張黃幕。內務府掌儀司官設反坫爵於門內正中。尚膳總領於

寶座前設

御筵。設領侍衛內大臣暨記注官席於

寶座後左右。僉嚮。設內外王公貝勒及入

殿大臣席於

殿內左右。設貝子公額駙台吉與燕大臣侍衛等席於

殿檐下及丹陛左右。均按翼為序。東西嚮。北上。理藩院堂官席

殿檐下。西面。禮部帶慶隆舞大臣。內務府總管席  
黃幕左右。東西面。已刻。羣臣蟒袍補服畢會。午  
刻。

皇帝御殿。行燕禮。中和韶樂作。奏怡平之章。燕畢。  
皇帝還宮。樂奏昇平之章。餘儀節均與。

保和殿燕同。若

賜燕於

保和殿。如歲除筵燕之儀。

儀節由內務府會禮部具奏。

○崇德

元年定喀爾喀來朝。

賜恩燕一次。設席四十。○又定索倫部落進貢。每三

日

賜恩燕一次。○三年定喀爾喀額魯特台吉來朝。

賜恩燕一次。○又定外藩蒙古王貝勒貝子公台吉等朝賀元旦除元旦大燕外。

賜恩燕一次。○七年定喀爾喀額魯特來進年貢。

賜恩燕一次。○又定西藏達賴喇嘛遣使來朝。

賜恩燕一次。○順治七年定達賴喇嘛使來在部燕三次。○十年定達賴喇嘛來朝。

賜恩燕一次。遣親王迎送均在途次設燕。○十一年奏准科爾沁王貝勒貝子公台吉等以事來京。

不必候

升殿日。即進

內朝

見。仍在部照常筵燕。蒙古王貝勒貝子公台吉都統等。以事來京。候常朝

御殿日。隨班行禮。在

內筵燕一次。○康熙十五年題准。俄羅斯頭目喇嘛等來京。

賜恩燕一次。在部筵燕二次。○二十一年定。外藩王以下台吉塔布囊以上。朝賀來京。除日。

賜恩燕一次。正月十四日十五日。

賜恩燕二次。○三十九年定喀爾喀土謝圖汗及和

碩親王來進貢。

賜恩燕一次。再燕二次。○雍正十二年奏准今年輪

班入朝之蒙古王貝勒貝子公等業經奉

旨停其來京。應將除日筵燕停止。其在京之蒙古王等

仍各給予筵席。○乾隆十六年奏准正月十三

日恭遇

聖駕南巡啟鑒。將十四十五十六等日筵燕停止。謹案十六

日係公主福晉筵燕仍各給予筵席。謹案歲除上元節前

後等日筵燕應行奏

請停止之處。由禮部會同內務府具奏。其筵燕俱由內務府辦理。○二十二年

奏准正月十一日恭遇

聖駕南巡啟鑒。停止十四十五十六等日筵燕。仍給筵席。與十六年同。○二十七年奏准正月十三日恭遇

聖駕南巡啟鑒。蒙古王等業經奉

旨於送

駕後各回游牧。將十四十五十六等日筵燕停止。並停給筵席。○三十年正月十六日恭遇

聖駕南巡啟鑒。奏請停止十四十五十六等日筵燕。並

停給筵席奉

旨。十五日仍照例筵燕。

謹案筵燕外藩除歲除及上元等日筵燕一切筵席牲酒俱由

內務府承辦外其年例在部筵燕者舊例。客爾喀額魯特進年貢頭目。朝

見後舊例。客爾喀恩

燕一次。以內大臣陪燕。部燕二次。以堂官陪燕。現例。客爾喀等處九白貢使。止在部燕一次。以

內大臣到部陪燕。暨貢使三人。共設席四。茶一桶。羊一。其餘外藩王公等。現無在部筵燕之例。

○嘉慶二十五年十二月。道光元年十二月。俱

停止筵燕。所有除夕應給外藩及各國來使卓

張羊隻等項。援照乾隆四十二年嘉慶四年成

案賞給。○道光十六年奉

旨。正月十五日。保和殿筵燕。呼圖克圖喇嘛等。均著毋

庸入燕所有賞給伊等什物。由總管內務府查照辦理。○同治二年議准。除夕暨正月十五等日。賜外藩王公等筵燕。暫緩舉行。仍頒發卓張。

王府筵燕。○凡王府筵燕。各王府設席。備外藩親王郡王貝勒貝子公額駙各席一。台吉塔布囊等二人共席。隨王等侍衛等官十員共席。每二席。蒙古羊一。每三席。酒一瓶。又用大蒙古羊三。於元旦後擇吉。正紅鑲白鑲紅正藍鑲藍五旗王公各筵燕一次。每旗主席。以親王或郡王一人。就府中設席。其餘本旗諸王貝勒貝子公



咸赴陪燕。主人席西嚮。賓席東嚮。均專席。北上。從官席門外檐下及露臺上。東嚮。稍後。咸共席。賓至。主人迎入。行禮序座。視賓秩尊卑。各以其班接待。凡外藩親王見內親王。內親王出殿降階迎。內親王居左。外親王居右。俱由中門入。內親王在東嚮西立。外親王在西嚮東立。外親王行二跪六叩禮。內親王答禮畢。內親王坐於東。外親王坐於西。其隨從官員於殿外行二跪六叩禮。隨伊主後坐。燕畢。隨從官員先行一跪一叩禮。外親王離位。行一跪一叩禮。內親王答禮。

外親王起行。內親王送至階下回府。本府官送出府門外。凡外藩郡王見內親王。內親王出殿迎。不降階。內親王由中門先入。外郡王隨後入。內親王在東嚮西立。外郡王在西嚮東立。外郡王行二跪六叩禮。內親王跪受半禮。答半禮畢。內親王坐於東。外郡王坐於西。其隨從官員於殿外行二跪六叩禮。隨伊主後坐。燕畢。隨從官員先行一跪一叩禮。外郡王離位行一跪一叩禮。內親王答跪拱手不叩。外郡王起行。內親王送出殿。不降階。本府官送出府門外。凡外藩貝

勒見內親王。內親王離坐迎。不出殿外。貝勒由西旁門入。行二跪六叩禮。內親王躬身拱手。禮畢。內親王坐於中。外貝勒坐於西旁。其隨從官員於殿外行二跪六叩禮。隨伊主後坐。燕畢。隨從官員先行一跪一叩禮。外貝勒離坐行一跪一叩禮。內親王躬身拱手。外貝勒起行。內親王不送。本府官送出府門外。凡外藩貝子見內親王。玉部院官引進殿外。貝子行二跪六叩禮。內親王躬身拱手坐受。禮畢。外貝子在西側坐。其隨從官員於殿外行二跪六叩禮。隨伊主後坐。燕

畢。外貝子離位行一跪一叩禮。內親王躬身拱手坐受。隨從官員在殿外行一跪一叩禮。外貝子起行。內親王不送。本府官員送出府門外。凡外藩公見內親王禮。與外藩貝子見內親王禮同。凡外藩親王見內郡王。內郡王迎至大門內。郡王居東。外親王居西。俱由中門入。內郡王在東嚮西立。外親王在西嚮東立。對行二跪六叩禮畢。內郡王坐於東。外親王坐於西。其隨從官員行二跪六叩禮。隨伊主後坐。燕畢。隨從官員先行一跪一叩禮。外親王內郡王各就坐行一

叩禮。外親王起行。內郡王送至大門內回。本府  
官員送出府門外。凡外藩郡王見內郡王禮。與  
外藩親王見內親王禮同。外藩貝勒見內郡王  
禮。與外藩郡王見內親王禮同。外藩貝子見內  
郡王。與外藩貝勒見內親王禮同。外藩公見內  
郡王。與外藩貝子見內親王禮同。凡外藩親王  
見內貝勒。內貝勒出府門外迎。內貝勒居東。外  
親王居西。俱由中門入。外親王先行。內貝勒稍  
後。外親王在西嚮東立。內貝勒在東嚮西立。對  
行一跪三叩禮畢。外親王坐於西。內貝勒坐於

東其隨從官員行一跪三叩禮畢。隨伊主後坐。燕畢。隨從官員先行一跪一叩禮。外親王內貝勒各就坐行一叩禮。起行時讓外親王先行。內貝勒稍後。送出府門外。凡外藩郡王見內貝勒。內貝勒迎至大門。內貝勒居東。外郡王居西。俱由中門入。外郡王在西嚮東立。內貝勒在東嚮西立。對行一跪三叩禮畢。外郡王坐於西。內貝勒坐於東。其隨從官員行一跪三叩禮。隨伊主後坐。燕畢。隨從官員先行一跪一叩禮。外郡王內貝勒各就坐行一叩禮。外郡王起行。內貝勒

送至大門回。本府官員送出府門外。凡外藩貝勒見內貝勒禮。與外藩郡王見內郡王禮同。惟初見時。內外貝勒各行一跪三叩禮。隨從官員亦行一跪三叩禮。外藩貝子見內貝勒禮。與外藩貝勒見內郡王禮同。惟初見時。外貝子行一跪三叩禮。內貝勒跪而拱手。隨從官員亦行一跪三叩禮。外藩公見內貝勒禮。與外藩貝子見內郡王禮同。惟初見時。外藩公及隨從官員俱行一跪三叩禮。外藩親王郡王貝勒見內貝子公。內貝子公出大門外迎。外親王等居西。先入。

內貝子公居東後入。外親王等在西嚮東立。內貝子公在東嚮西立。對行一跪一叩禮畢。外親王等坐於西。內貝子公坐於東。其隨從官員行一跪一叩禮。內貝子公於坐拱手。隨從官員各隨伊主後坐。燕畢。隨從官員先行一跪一叩禮。內貝子公仍坐拱手。外親王等內貝子公各就坐。行一叩禮。外親王等起行。內貝子公送出大門外。候乘馬方回。凡外藩貝子見內貝子。內貝子出堂迎。內貝子居東。外貝子居西。俱由中門入。內貝子在東嚮西立。外貝子在西嚮東立。外



貝子行一跪一叩禮。內貝子答禮畢。內貝子坐於東。外貝子坐於西。其隨從官員行一跪一叩禮。隨伊主後坐。燕畢。隨從官員先行一跪一叩禮。外貝子離位先行一跪一叩禮。內貝子答禮。外貝子起行。內貝子送出堂。本府官送出府門外。凡外藩公見內貝子禮。與外藩貝子見內貝子禮同。惟初見時。外藩公及隨從官員俱行一跪一叩禮。外藩貝子見內公。內公出大門迎。外貝子居西。內公居東。俱由中門入。內公在東嚮西立。外貝子在西嚮東立。對行一跪一叩禮畢。

外貝子坐於西。內公坐於東。隨從官員行一跪一叩禮。隨伊主後坐。燕畢。隨從官員先行一跪一叩禮。外貝子與內公各就坐對行一叩禮。外貝子起行。內公送至大門。本府官送至府門外。外藩公見內公禮。與外藩貝子見內貝子禮同。既入坐。王府樂作。雜劇並陳。燕畢各退。○崇德元年定喀爾喀來朝。諸王府皆設燕。○又定索倫部落進貢。按旗燕七次。○三年定喀爾喀額魯特台吉等慶賀來朝。按旗燕七次。○又定外藩蒙古王貝勒貝子公台吉等朝賀元旦。除元

旦大燕外。於每旗王府各燕一次。本旗王貝勒貝子入八分公咸與。○七年。喀爾喀額魯特來進年貢。按旗燕七次。○順治十年。達賴喇嘛來京。五旗王府各燕一次。○康熙二十一年。定外藩王以下台吉都統以上朝賀來京。元旦後五旗王府筵燕五次。○雍正五年奉

旨。外藩札薩克王貝勒貝子公台吉等朝賀元旦來京。明歲著左翼王等燕一次。右翼王等燕一次。○乾隆二年。奏准元旦後王府筵燕。仍按旗各燕一次。○又奏准向來王府筵燕。本旗諸王均赴陪燕。

設有蒙古鼓吹。嗣後即循舊例。令本旗諸王貝勒貝子公等咸集。依次列坐燕賓。其樂舞除慶隆舞不許用外。禮部現有之雜劇等。許其承應。至本王府亦宜備鼓吹雜劇以侑賓筵。謹案王府筵燕席數見前卷總案內。每二席蒙古羊三。一席每三席酒一紙。又用大蒙古羊三。○十九年。

燕杜爾伯特親王車凌等於熱河宗室王公暨

四十九旗蒙古王公各設燕一次。謹案此杜爾伯特親王等於行宮及二十年燕綽羅斯汗二十一年燕杜爾伯特親王伯什阿噶什吐魯番公拜

和車等俱照外藩蒙古之例。

赫哲費雅喀等處來京婚娶筵燕。○康熙三十

七年定。夫妻二人各席一。

一設精膳司司堂主  
令本婦帶回。

席司員席一。乳茶一桶。黃酒一瓶。羊一。

欽定大清會典事例卷五百十九

禮部

燕禮

各國貢使來朝廷燕  
護燕 千叟燕

衍聖公來朝廷

各國貢使來朝廷燕。○凡各國貢使來朝廷燕之禮。是日設香案於露臺上。以禮部侍郎主席。精膳司官視布席。堂正中近後楣位主席。西嚮。其右為正使席。副使席正使下。各專席。通事從官席副使後。二人共席。從人席於右楹下俱南嚮。以東為上。貢使至部。自二門步入。主席朝服率詣香案前。行三跪九叩禮畢。升堂。貢使見主

席行一跪三叩禮。主席答揖三。乃即席。光祿寺  
官進茶畢。酌酒奠爵。主席舉爵。貢使即席一叩。  
飲酒三巡。供饌燕畢。謝。

恩如儀。貢使辭各退。○崇德元年定。凡朝鮮國貢使  
至。

東京燕一次。至。

盛京在部燕一次。在館燕一次。回至。

東京燕一次。○二年議准。朝鮮世子來朝。遣大臣  
往迎。燕一次。朝。

見畢。

賜恩燕一次。○八年議准朝鮮王子來朝。至鳳凰城燕一次。至

東京遣侍郎往迎燕一次。至

盛京城外迎送館。遣尚書往迎燕一次。進城後在部燕一次。朝

見畢。在

內燕一次。俱大學士陪燕。諸王府按旗各燕一次。同日筵燕同。○順治元年議准朝鮮王弟來朝。差禮部司官。光祿寺官。往山海關迎接。燕一次。遣侍郎往三河縣迎接。燕一次。到京日。遣尚書



在館燕一次朝

見畢。

賜恩燕一次。在部燕二次。在館燕二次。回日餞送筵燕與來時同。○又議准凡朝鮮差來正副使至山海關駐防官陪燕一次。到京朝

見後。在部燕一次。回日燕一次。餞送筵燕與來時同。其領時憲書齋咨官。在部燕一次。○八年議准朝鮮進年貢及來京慶賀正副使。在部燕一次。在會同館燕一次。○又議准朝鮮貢使朝

見後。在部筵燕。以堂官主席。正使副使各一人。書狀

官一人。並主燕堂官各席一。大通官三人。押物官二十四人。得賞從人三十名。無賞從人三百名。暨主席。共設席四十五。乳酒一瓶。燒黃酒十三瓶。茶十八桶。蒙古羊十三。是日。仍在會同館筵燕。暨主席。共設席四十。羊及茶酒照部燕例送館。其領時憲書齋咨官役。在精膳司筵燕。以司官主席。齋咨官一人。小通事一名。並主燕司官各席一。得賞從人十五名。席一。共設席四。茶一桶。黃酒一瓶。蒙古羊一。十年定。各國貢使來京。於禮部及會同館各燕一次。又議准。荷

蘭貢使朝

見日。在部

賜恩燕一次。又在部燕二次。○康熙九年議准。西洋

貢使。在部筵燕三次。○又議准。西洋諸國

謹案西洋

入貢博爾都嘉利亞國。意達里亞國。博爾都噶爾國。英吉利國。貢使朝

見後。在部筵燕。以堂官主席。來使四人。從人五名。護

送官一人。每次設席五。乳茶一桶。燒黃酒二瓶。

羊三。○雍正三年議准。安南

今越南

貢使。在部燕

一次。回至廣西燕一次。○又議准。安南貢使朝

見後。在部筵燕。以堂官主席。陪臣三人。行人九人。並

主席堂官各席一。護送官二人。席一。從人十三

名。席三。共設席十七。乳茶四桶。燒黃酒四瓶。蒙

古羊四。會同館筵燕。設席並羊茶酒。照部燕例

送館。

謹案乾隆五十五年。該國王阮光平來京慶祝。萬壽一應燕席。內務府承辦。

○四年議准琉球貢使。在部燕二次。回至福建燕一次。○又議准琉球貢使朝

見後。在部筵燕。以堂官主席。耳目官一人。正議大夫一人。都通事一人。並主席堂官各席一。護送官一人。土通事一名。共席一。從人十七名。每三人席一。共設席十一。會同館筵燕。照部燕設席。兩

處共用茶五桶。燒黃酒五瓶。蒙古羊五。○又議准琉球官生入監讀書。回國時在精膳司筵燕。以司員主席。官生每名各席一。跟伴每三名共席一。主席司官席一。用茶一桶。燒黃酒五瓶。蒙古羊一。○五年議准蘇祿貢使在部燕二次。回至福建燕一次。○又議准蘇祿貢使朝

見後。在部筵燕。以堂官主席。貢使一人。番目一人。並主席堂官各席一。通事一人。護送官一人。席一。番丁六名。跟役二名。席二。共設席六。用茶二桶。燒黃酒二瓶。蒙古羊二。會同館筵燕。設席並羊

茶酒照部燕例送館。○七年議准暹羅貢使在部燕二次。回至廣東燕一次。○又議准暹羅貢使朝

見後。在部筵燕。以堂官主席。正貢使一人。副貢使一人。三貢使一人。四貢使一人。通事一人。並主席堂官各席一。從人十九名。護送官一人。共設席十。用茶二桶。燒黃酒二瓶。蒙古羊二。在會同館筵燕。設席並羊茶酒照部燕例送館。○八年議准南掌貢使在部燕二次。回至雲南燕一次。○又議准南掌貢使朝

見後。在部筵燕。以堂官主席。貢使一人。席一。先目二人。席一。通事二名。席一。後生九名。照從人例。共席二。主席堂官。席一。護送官二人。席一。共設席七。用乳茶二桶。燒黃酒二瓶。蒙古羊二。會同館筵燕。設席並羊茶酒。照部燕例送館。乾隆十六年。議准。緬甸貢使。在部燕二次。回至雲南燕一次。又議准。緬甸貢使朝

見後。在部筵燕。以堂官主席。貢使一人。緬目四人。通事把總四人。緬役十四人。暨主席共設席十一。用茶三桶。燒黃酒三瓶。蒙古羊三。在會同館筵

燕設席並羊茶酒照部燕例送館。○四十七年。  
朝鮮琉球南掌暹羅等國貢使奉

旨於

紫光閣

山高水長。

正大光明殿。

賜同一體筵燕仍在禮部及會同館筵燕二次。○五十  
九年。荷蘭使臣入貢奉

旨。俾與蒙古王公及外藩諸國使臣一體同邀燕賚。○  
是年除夕。該國使臣與外藩等同在



保和殿筵燕一次。次年正月隨同

山高水長筵燕一次。又隨同

正大光明殿筵燕一次。

謹案是年在部筵燕之例未舉行。

○嘉慶

十四年奉

旨。據禮部奏。朝鮮國齋咨官員役。可否仍照舊例賞賚筵燕一摺。該國齋咨官員等。向例應賞給銀兩。在部筵燕一次。此次該國王咨報救護內地遭風民人。而收買該民人所帶鐵物。至四千三百餘斤之多。殊屬不合。本應將向例賞賚筵燕之處。均行停止。姑念該國官員役等。齋咨遠來。著加恩減半賞賚。毋庸給予筵燕。

行聖公來朝筵燕。○凡筵燕行聖公之禮。是日。設賓主席於後堂東嚮。以南為上。設香案於露臺上。乃速賓。行聖公入儀門降輿。尚書迎於堂檐下揖。鴻臚寺官引詣香案前。北面序立。聽贊行三跪九叩禮畢。升堂揖如初。主賓均即席。光祿寺官進茶畢。酌酒奠爵。和聲署升歌。洙泗發源長之章。均飲酒三巡。樂止供饌畢。主賓興。席徹。鴻臚寺官復引詣香案前謝。

恩行一跪三叩禮畢。送如迎儀。○順治元年定行聖公進表慶賀。或襲職來京朝。

見後。在部燕一次。隨來之五經博士咸與燕。○雍正五年。衍聖公朝賀來京。其隨至之嫡孫與燕。添設席一。○乾隆十六年定。衍聖公及五經博士等朝賀來京。在部燕一次。衍聖公席一。博士每二員共席一。陪燕尚書席一。羊隻茶酒隨席多寡定數。共備席六。酒二瓶。茶二桶。○三十六年。衍聖公朝賀來京。其隨至之嫡子與燕。添設席一。○四十一年。衍聖公及其嗣子來京。時金川凱旋奉

旨一體入

紫光閣筵燕。嗣又奏請照例在部設燕。奉

旨。已經入燕。著不必。○同治四年。衍聖公來京。在部設燕。衍聖公席一。陪燕尚書席一。茶二桶。酒二瓶。護燕。○乾隆二十九年奉

旨。嗣後遇有筵燕。該部將八旗護軍統領開列進呈。特點一員率領護軍參領等。嚴加管束。○三十九年奏准。凡承辦筵燕各衙門。並應先期奏派護軍統領率屬護燕。如恭遇

臨雍筵燕。

經筵筵燕。

皇子皇孫等成婚筵燕。會試筵燕。

恩榮筵燕。外藩喀爾喀九白貢使筵燕。朝鮮等國貢使筵燕。皆由本部奏請。○四十六年。筵燕九白貢使奉

旨。此等尋常筵燕。宗室大臣兼護軍統領者。毋庸開列。○嘉慶四年奏准。凡遇筵燕貢使。由部行文護軍統領衙門。即令將應行開列之人。依次輪流監視。以省瑣瀆。

千叟燕。○康熙六十一年。

召八旗滿洲蒙古漢軍文武大臣官員及致仕退斥人

員等。年六十五以上者六百八十人。燕於

乾清宮前。

命諸王貝勒貝子公及閒散宗室等授爵勸飲。分頒食

品。復

召漢文武大臣官員及致仕退斥人員等。年六十五以

上者二百四十人。燕於

乾清宮前。

命諸王貝勒貝子公及閒散宗室等授爵勸飲。分頒食

品如前禮。

御製七言律詩一首。

命預燕滿漢大臣官員各作詩紀其盛名曰千叟燕詩

○乾隆四十九年

諭緊古帝王御世建極凝庥上有敷錫之君下享康寧之福洎乎近代史冊鈔稱我

皇祖沖齡踐阼統御寰區仁漸義摩涵濡休養康熙年間曾舉行千叟燕與中外臣民躋壽寓而迓繁禧誠為千載一時之嘉會朕誕膺

丕緒敬紹

鴻圖仰承

昊蒼眷顧福佑朕躬年逾古稀尚能康彊勤政惟是斂

時錫福期舉世咸登仁壽。著於乾隆五十年正月初六日。舉行千叟燕盛典。用昭我國家景運昌期。重熙累洽。嘉與中外臣民耆老介祉延禧之至意。所有一切事宜。著各衙門敬謹豫備。○又

諭。明歲舉行千叟燕。原定四品以下官員年六十五歲者。始准入燕。現在人數已增至三千。而官員與兵丁不同。如必六十五歲以上方准入燕。則年過六十之職官。不得邀榮者甚多。著加恩。凡在京四品以下現任原任各員。年過六十者。俱准其入燕。用昭普錫春祺加惠耆臣之至意。○又



諭明歲舉行千叟燕。現在已數三千之數。所有年逾七十以上之各項兵丁。在入燕人數之外者。俱著加恩。按年歲各賞給銀牌一面。又

諭朝鮮國進獻年貢陪臣。向例於歲底到京。明正舉行千叟燕。中外大小臣工耆庶。年逾周甲者。咸得預燕。用普壽祺。朝鮮國素稱恭順。比於內臣。其陪臣亦應一體入燕。以昭寵眷。著禮部即速行文該國王。所有今歲年貢正副使。酌派年在六十以上者一二員來京。俾得預茲盛典。共沐光榮。以示朕加惠遠邦優禮耆年之至意。又

諭新正舉行千叟燕。所有預燕之官員兵民。年在九十以上者。俱准其子孫一人扶掖入燕。其文武大臣年逾七旬者。令其自行揣量。如步履稍艱。亦准其子孫一人扶掖入燕。以示朕優眷耆年有加無已至意。○五十年於

### 乾清宮

恩賜千叟筵燕。設中和韶樂於

乾清宮檐下。設丹陛樂於

乾清門內後檐下。設八大玉器於反坫。豫設

賞賚物件及飯卓。應行入燕之王公一二品大臣。於

殿檐下序爵對坐。三品大臣以下。五品以上官員。俱於丹墀甬路序爵對坐。其餘六品以下。至衆年老拜唐阿護軍領催披甲。以及工民人等。俱於丹墀下兩旁相對列坐。先時引應入坐衆。叟於丹墀左右燕次入班。其

殿檐下應行入坐之王公大臣等。俱於

殿外左右臺階下立俟。屆時中和韶樂作。

高宗純皇帝升座。樂止。鳴贊官贊排班贊進。丹陛大樂作。

御前大臣二人引王公大臣等。由兩旁進至丹墀中。

聞。鳴贊官贊跪叩。衆叟俱於本坐隨王公等行  
三跪九叩禮。鳴贊官贊興樂止。

御前大臣引王公大臣等各入位次。行一叩禮。坐。衆  
皆於本坐隨行一叩禮。坐。丹陛清樂作。尚茶正  
進茶。

高宗純皇帝進茶。衆皆於坐次跪行一叩禮。茶畢。侍衛  
等進分。

賜殿檐下丹墀列坐之王公大臣官員等茶。王公大臣  
官員等接茶。俱行一叩禮。飲畢樂止。恭進果筵  
於

寶座前展筵幕。掌儀司官由反坫奉爵臺壺。卮由中路進。丹陛清樂作。衆皆立。執爵臺壺卮官至殿檐下東邊西嚮立。實酒。進酒大臣釋褂服由中門進。跪。衆皆跪。執爵官進。跪授於進酒大臣。興。退。進酒大臣執酒進前跪恭進。

高宗純皇帝接酒。進酒大臣興。至原跪處跪。

高宗純皇帝進酒。進酒大臣行一叩禮。衆皆隨行一叩禮。進酒大臣進接爵。退至原跪處跪。執爵官進。跪接爵。退。實酒於卮。立。賜進酒大臣酒。衆皆立。進酒大臣跪接行一叩禮。飲畢。接卮官進接卮。

退歸原處。進酒大臣行一叩禮。興服褂服入坐。  
衆皆坐。

高宗純皇帝召入燕一品大臣。及衆叟中一百五歲至  
九十歲者。至。

寶座前跪。

賜卮酒。

命諸皇子皇孫皇曾孫等行。

殿內王公大臣酒侍衛等行官員衆叟酒並承。

旨分賜果食於各燕席。咸於坐次行一叩禮。進饌樂止。  
歌曲詞饌畢。曲止。徹饌。衆皆於坐次聽贊。各行。

一跪三叩禮中和韶樂作

高宗純皇帝還宮樂止管燕大臣分頒

恩賚詩刻如意壽杖朝珠繒綺貂皮文玩銀牌各有差

衆皆跪接畢管燕大臣二人引至

乾清門前排班行三跪九叩禮如儀

謹案是年入燕之大臣官

員六十以上無職者六十五以上自宗藩大  
學士下達有民及外藩陪臣等共計三千人○

六十年

諭我國家重熙累洽景運昌明綏萬屢豐中外禔福所

以涵濡休養咸登仁壽者實為史冊所罕覩我

皇祖聖祖仁皇帝沖齡踐阼統馭寰區仁漸義摩熙熙

皞皞康熙年間。曾舉行千叟燕。與天下臣民。躋壽寓  
而迓繁禧。為千載一時之嘉會。朕誕膺

丕緒。敬紹

鴻圖。夙夜孜孜。勤求治理。仰賴

昊蒼篤佑。

列祖貽庥。海宇乂安。人民樂利。曾於乾隆五十年乙巳。  
恭照

皇祖千叟燕。舉行盛典。迄今已逾十年。逢吉康彊。精神  
純固。明歲丙辰。紀元周甲。躬舉授受上儀。尤屬曠古  
所未有。天下臣民。歌詠太平。期頤衍慶者。此十年內



又不知凡幾。允宜再啟耆筵。以紀重光之盛。著於明年正月初吉。再舉千叟燕盛典。惟是前次乙巳。朕壽七旬有五。是以六十歲以上者。俱令預燕。明年朕壽八旬開六。若仍照前次六十以上。即准入燕。年齒皆如兒輩。長幼懸殊。轉為未協。此次應自七十歲以上。准其入燕。用示朕介景延祺。申錫無疆至意。所有一切事宜。著各該衙門照上次之例。敬謹豫備。嗣奉旨。

六十歲以上官員七十歲以上兵民均准其入千叟燕。○又

諭朕紀年周甲。於丙辰元旦舉行授受大典。王公等及文武百官慶賀禮成。本應筵燕。但是日朕御太和殿。

授寶後。嗣皇帝御殿登極。若是日復舉行筵燕儀節。未免繁縟。是以初四日特舉千叟燕盛典。臚歡申慶。宣愷頒醺。即以示元正授政。於寧壽宮初御皇極殿。錫賚受賀。普迓春祺。諸慶具備。其餘繁文不必行矣。

○嘉慶元年於

寧壽宮之

皇極殿

恩賜千叟筵燕。設中和韶樂於

皇極殿檐下。設丹陛大樂於

寧壽門內後檐下。設八大玉器於反坫。設

賞賚物件於兩旁檐下。豫設飯卓。應行入燕之王公蒙古王公額駙台吉一二品大臣。於

殿內兩旁序爵對坐。外國貢使。於

殿檐下兩旁對坐。在京之三品大臣官員。俱於丹墀甬路序爵對坐。四品以下有品級官員等。俱於丹墀兩旁相對列坐。其餘年老拜唐阿護軍領催披甲以及工民人等。俱於

寧壽門外兩旁相對列坐。先時文武官員及各國貢使並兵民人等。豫行入班祇候。其

殿內應行入坐之王公大臣蒙古王公等。俱於

殿外左右階下立俟。屆時中和韶樂作。

高宗純皇帝

仁宗睿皇帝升座。樂止。鳴贊官贊排班。贊進。丹陛大樂作。管燕大臣二人引王公大臣蒙古王公等。由兩旁進至丹墀中間。鳴贊官贊行三跪九叩禮。其檐下列坐之貢使及官員兵民等俱於本坐。隨王公等行三跪九叩禮。贊興。樂止。引內外王公大臣等入殿內。各於坐次行一叩禮。坐。衆皆於本坐隨行一叩禮。坐。丹陛清樂作。尚茶。正進茶。

高宗純皇帝

仁宗睿皇帝進茶。衆皆於坐次跪行一叩禮。茶畢。樂止。

恭進

高宗純皇帝

仁宗睿皇帝果筵展筵。羣掌儀司官由反站奉爵臺壺。卮由中路進。升陛清樂作。衆皆立。執爵臺壺。卮官至。

殿檐下東邊西嚮立。實酒。進酒大臣由中路進。跪。執爵官舉爵進。跪授進酒大臣。興退。進酒大臣接酒由

寶座中陞升。跪進爵於

仁宗睿皇帝。在旁立俟接爵。

仁宗睿皇帝接爵跪進

高宗純皇帝。興就地平正中行一叩禮。衆王公年老人等。俱隨行一叩禮。

仁宗睿皇帝興就

高宗純皇帝寶座前跪接爵。授進酒大臣還

御寶座。

高宗純皇帝召入燕王公一品大臣。及衆叟中一百六  
歲至九十歲者。至

寶座前跪。

手賜卮酒。

命諸皇子皇孫皇曾孫皇元孫等行。

殿內王以下大臣酒侍衛等行各官衆叟酒並承旨分賜果食於各燕席。咸於坐次行一叩禮進饌。樂止。歌曲詞饌畢。曲止。徹饌。衆聽贊。皆於坐次行一跪三叩禮。中和韶樂作。

高宗純皇帝

仁宗睿皇帝還宮。樂止。管樂大臣分頒。

恩賚詩刻如意壽杖朝珠繒綺貂皮文玩銀牌各有差。

衆皆跪接畢。管燕大臣二人引至

寧壽門前。排班行三跪九叩禮如儀。

謹案是歲庶民自七十以上者

入燕餘儀與乙巳年同。而壽世期頗益。衆人數多至八千有餘。外國則有朝鮮安南暹羅麻爾喀四國俱遣使來賀。特旨以四國陪臣雖年未及歲亦令一體入燕觀光並賜

卮優養以示

恩眷。

○又奉

敕旨。本日舉行千叟燕。京畿及各旗籍耆紳兵民踴躍偕來。相預盛典。龐眉皓首。矍鑠盈廷。實為吉祥盛事。業經分別加恩。普加賞賚。並各加賞緞疋銀鏤外。所有老民熊國沛年一百六歲。邱家龍年一百歲。尤屬昇平人瑞。俱著加恩賞給六品頂戴。其九十以上老



民鄧永紀。梁廷裕。閒散覺羅烏庫里。步甲文保。舒昌。  
阿馬甲王廷柱。內務府閒散人田起龍。王大榮。俱著  
賞給七品頂戴。以示引年養老。敷錫壽祺至意。